



□



Future-proofing our children

PELE GA SEKOLO SA
TSHIPI

Setlhogo

Go thusa

A Mokaedi wa batsadi
Sekolo sa Tshipi ithutelo lapeng



Go Motsadi

O amogelesegile mo “**Go thusa**” Thuto ya sekolo sa tshipi.

Mokwalo o o go fa thutuntsho e potlana gore o ka ruta jang thuto e.

O ka ipaakanya le go ruta thuto e jang

Fa tlase ke maele a go ipaakanya le go ruta thuto e:

Kgato	Tiriso
1.	<p>Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp:</p> <p>https://bit.ly/3NACSSHS</p>
2.	<p>Kgobokanya di dirisiwa tse di latelang go netefatsa fa o ipaakanyeditse thuto e:</p> <ul style="list-style-type: none"> • Baebele • Mokwalo wa thuto wa PDF o o setseng o baakantswe. • Pena, metako le lekwalo la ngwana, etc. • Setshwantsho sa motshikhinyego se se leng thuso e nngwe • Katakasima le Dipotso le dikgarabo (bogolo jang mo batlhomamisiweng) <p>Ela tlhoko:</p> <p>2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tswaledisa lenaneo.</p> <p>2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wag ago botoka! <i>Tirelo ya sekolo sa tshipi ga e hete metsotso e 45</i> .</p> <p>2.3: Thuto e lebaganye (Batlhomamisiwa 1).</p> <p>2.4: O ka kopa thuso mo morutabana wa gago wa batlhomamisiwa fa o tlhoka thuso.</p>
3.	<p>Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.</p>
4.	<p>Dira seemo se se siameng, se se senang dikgoreletsi se wena le bana/ngwana le leng fa go tshwanang.</p> <p>Sekai: Nnang mo tafoleng kana phate.</p>
5.	<p>Bala thuto. E bale gape gore o e tlhologanye.</p> <p>Lebelela setshwantsho sa motshikhinyego go re o tlhologanye botoka.</p>
6.	<p>Kwala dintlha tse o batlang go di gakologelwa.</p>



Go ruta thuto ya sekolo sa tshipi mo lapeng

O ka ipaakanya le go ruta thuto e jang

Re tswelera ka go abalana maele a go ipaakanya le go ruta thuto e:

Kgato	Tiriso
7.	Tlhaloganya maikaelelo a thuto a e leng gore ngwana wa gago o tshwanetse go a gakologelwa.
8.	Ruta ngwana wa gago thuto jaaka polelo, o ka nna wa bala.
9.	Supegetsa ngwana wa gago setshwantso sa motshikinyego mme o soboke molaetsa.
10.	Laela ngwana go dira tekeletso e mo lokwalong la gagwe la ikatiso
11.	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya batlhomamisiwa 1.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng
4. Itshwaraaganye le mogokaganyi wa sekolo sa tshipi kana morutabana wa sekolo sa Tshipi go go fa kitso e nngwe



Thuto

Setlhogo

Go thusa

Maikaelelo a thuto

Thuto ya tsatsi jeno e re ruta gore go thusa go siame

Polelo ke e:

Thuto ya tsatsi jeno e re ruta go thusa ba bangwe le ba ba tlhokang.

Ke tsaya gore o dumela gore go thus aba bangwe ke selo se se siameng

Morena Jeso o ne a thusa botlhe ba ba tlang kwa go ene. Jeso ke sekai se se golo ke ka moo re batlang go tshwana le ene ka go thus aba ba tlhokang.

Nako nngwe ga re ikutlwe go thusa ba ba nnelang go ngongoregela ruri kana b aba sa re tseyeng sentle, mme re dira jaaka Jeso a ne a dira, re thusa fela.

Go ne go na le mosadimogolo a bidiwa Mma Boegli yo o nnang a ngongorega fela e bile a sa rate bana. Mma Boegli o ne a nna a robala motshegare mme bananyana ba tla bo ba tshameka ko ntle. Modumo o ne o oketsega ke fa ba utlwa motho a kua a re “A ko le bueleng ko tlase? Modumo wa lona o nthora boroko.”

Modumo wa bana wa fokotsega go le go nnye, kgantele wa oketsega gape.

Letlhaba phefola bulega gape Mma Boegli a kopa bananyana gore a mongwe wa bone o ka mo ela ko benkeleng go ya go mo rekela borotho. O ne a na le botlhoko mo lengoleng mme go ne go pala go tsamaya.

Bananyana ba seba seba “A a tsamaye ene, rona re santse re tshameka” mme Mma Boegli a tswala letlhaba phefo mme bananyana ba tswelela ba tshameka.

Verona a simolola go akanya thata, a akanya nkunku wagwe yo le ene a bolawang ke lengole. A raya tsala ya gagwe a re “tlaya re ye go rekela Mma Boegli borotho”

Banyana baba bedi ba kokota ko go Mma Boegli yo o neng a gakgamala thata mme a itumela gore ba batla go mo thusa

Fa ba bowa, ba fiwa dimonamone e le mpho ya go thusa.



Thuto e e raya eng mo go rona?

Re ithutile eng bana :

- Nnang le thusa, ke selo se se siameng
- Fa o thus aba bangwe ba itumela, mme le wena o a itumela
- Jeso o ne a thusa batho mme le rona re batla go latela sekai sa gagwe.
- Fa re thusa ba bangwe re supa lerato la Modimo

Dipotso tse re ka di botsang:

- **Potso:** Go reng re tshwanetse go thusa ba bangwe?

Karabo: *Ka gore le wena o tla tlhoka thuso nako nngwe.*

- **Potso:** Go direga eng fa o thusa ba bangwe?

Karabo: *Ba a itumela, gape o ka felela o itiretse tsala.*

- **Potso:** Re ka thusa jang batlhoki?

Karabo: *Ka go nna lerato go bone*

Ka go ba tlotla

Ka go abelana le bone dijo tsa rona !

- **Potso:** Go direga eng fa re thusa batlhoki?

Karabo: *Re dira matshelo a bone botoka!*



Dithapelo tsa rona

Thapelo ya ga mme le rre e rapelwang pele ga thuto

Modimo Rara wa legodimo, Re lebogela letsatsi le lengwe la bopelontle jwa gago.

Ke kopa o segofatse mme le rre, baruti ba rona le ditsala tsa rona le ba masika

Re rapela gore re nne re go tlotla le go latela ditaello tsa batsadi ba rona

Re segofatse gore re nne le lerato le bopelontle mo go mongwe le mongwe yo re kopanang nae

Segofatsa sekolo sa rona sa Tshipi gape re leboga go bo o re tlhophile go nna bana ba gago.

Re batla go tswelelea re le boikanyego go fitlhela o tla go re tseela gae.

Re kopa tse tsotlhe ka leina la gago le le tlotlegang. Amen

Thapelo morago ga thuto:

Modimo Rara o ko Legodimong.

Re lebogela go bo o re babaletse le go re re kgone go amogela polelo ya Baebela Re lebogela go re babalela gore re seka tsena mo dikotsing.

Re thuse go tlotla mme le rre le go nna pelontle mo go botlhe ba re kopanang nabo. Re kopa o re thuse le mo tirong ya sekolo.

Segofatsa Moapostolo o Mogolo, Ba Apostolo le baruti. Re kopa o ba sireletse fa ba ntse ba tsamaya gore bat le ba re rute thata ka ga gago, Modimo.

Thusa bana ba gago botlhe, bogolo jang baba lwalang le baba senang se ba se jang le fa ba nnang teng. Re kopa o tle kapela go re tseela gae.

Re kopa tse tsotlhe, e seng gobo re na le tshwanelo ya sone, mme ka leina la ga Jeso. Amen.